

www.BibleForChildren.org

मत्ती 8



तीसरे दिह गेलीलान काना गावा माय एक वाराड एतो। एने यीशुन
आहख बी ता एती, यीशु एने तान चेला बी ता वाराडा
माय हादेल एता।



जेवी अंगुरान रूह निवरी गीयो, तेवी यीशुन आहख ताह केयी, "न्या फाय अंगुरान रूह नाह सुतो।" यीशुन आहख पावराह केयी, "जो काय तो तुमूह केय तोस किरज्यो।"



यीशु पावराह केयो, "डोसरा माय पाणी बोर दिवो।"
ता डोसराह टाकाटाक बोर देना। तेवी यीशु ताह
केयो, "एवी पाणी काड़ीन खाणान मुखी फाय ली
जावो।" तेवी ता ली गीया, . . .



... जेवी खाणान मुखी तो पाणी साक्यो, जो अंगुरान रूह बोण जायेल एतो, एने नाह जाणतालो काय ज्यो अंगुरान रूह कारीन आयेल हे, पुण जा पावोर पाणी काडेल एता ता जाणताला; ते खाणान मुखी वोवडाह हाद्यो एने केयो,
"काल्लो बी माणुह पेल हाजालो अंगुरान रूह आपणे, एने जेवी माणहे पिन साक जातेह, तेवी तोलो हाजो नाह आपणे। पुण तु ते हाजालो अंगुरान रूह एवी वोर मेल रिनोह!"




यीशु गेलीलान काना गावा माय तान ज्यो पेल्लो
चोमेत्कार देखाडीन तान बोडाय देखाड्यो; एने
यीशुन चेला ता पोर बुरहो केऱ्या।



यीशु जेवी पतरसान गेर पोचनो, ते तो पतरसान
हाहवोकीह हेरी माय दुखारी खाटला पोर
लोट रियेल दिख्यो।



एने यीशु तीन आथाह सापल्यो; एने तीन हेरी उतरी गियी, एने ती उठिन तान सेवा चाकरी केरने बाज गियी।




हांजीन टेम माय दिह बुड़ गीयो, तेवी माणहे आखा दुखाऱ्याह एने जा
माय बुतड़ा एता ताह यीशु फाय लावा। एने आखा गावान माणहे
गेरान ओंगाण टोलवाय गीया।



एने यीशु जुलूम जाणे जा बात बातीन दुखा माय एता ताह हुदाऱ्यो।
एने जुलूम बुतडाह काड्यो एने ताह कायच बोलने नाह दिनो,
काहाकाय बुतडा यीशुह ओलेखताला।



एने आखा माणहे यीशुह आथेलने होदताला, काहाकाय ताम रेन ताकेत निकलीन आखाह हुदारताली।



तेवी माणहे एक लोखवान दुखाऱ्याह यीशु फाय लावा, एने ताह चार
एदमी उखलीन लायेल एता।



काहाकाय ताहरी जुलूम गेरदी एती केरीन
यीशुन आहने ताह नाह पोचानो, ता गेरान साजाह
जान निडो यीशु ईतो, ताहरूह उगाड देना, एने
जेवी ताह वेसडी देना। तेवी ता खाटलाह जा पोर
लोखवान दुखाऱ्यो लुट रियेल
एतो, ताह उतार देना।



यीशु ता माणहान बुरहो देखीन लोखवान दुखाऱ्याह केयो, "एय मार
बेटा, तारा पाप माफ एय गीया।"


"मी तुवाह केथु, उठ,
तारो खाटलो उखेल,
एने गेर जातरे!"



जेवी यीशु डोंडह्या पोर चेड़नो, ते तान चेला बी तान पासाण चेड़ना।
एने उचकाहुच देरीया माय ओहलो मोठो
तुफान आवो काय डोंडह्यो लाटा माय
बुजाणे बाज गीयो, पुण यीशु
हुवणे बाजरियेल इतो।



तेवी यीशु ताह केयो, "एय अविश्वासी काहा बितेह?" एने तो उठीन
वादोण एने पाण्याह दोपकाड्यो, एने आखो ठावको एय गीयो। एने
चेला बोंगलायीन केणे बाज गीया, "ज्यो कोहलो माणुह हे? वादोण
एने पाणी बी ज्यान उकुम मान्तेह।"



काहाकाय बोगवान दुनियाह ओहलो मोंग
किऱ्यो काय तो तान एकुस मोंगाल्ला बेटाख
आप दिनो, काहाकाय जो कुण ता पोर बुरहो
केरी तो खेतेम नाय एय, पुण जेलेमक्यो
जीवाय सापडावी।



रोमीयो 3:23 ज्यानकेरता काय आखा माणहे पाप किरेल हेते एने
बोगवानान बोडायीह रेन सेटा हेते,

रोमीयो 6:23 काहाकाय पापान मोंजरी ते मोत हे, पुण बोगवानान गीणीन
वरदान आपणो मालीक मसी यीशु माय जेलेमक्यी जीवाय हे।

इब्रानियो 9:27 एने जिहकेरीन माणहान केरता एक वार मोरनु एने तान
पासाण नियाव ठेरायेल हे,

इफिसीयो 2:8,9 काहाकाय बोरहान द्वारे गीण केरीस ने तुमूह सुटकारो
जुडेल हे, एने ज्यो तुमरी उगे रेन नाह, पुण बोगवानान दान हे;
एने नाह कामान कारेण, ओहलो नाय एय काय कुण बी मोठाय केरी।

रोमीयो 10:9,10 काय केदी तु तारा मुया केरीन यीशुह मालीक जाणीन
कबुल किरहे, एने तारा मोना केरीन बुरहो केरी काय बोगवान ताह मुरेल
माय रेन जीवाड्यो, ताहार तारो सुटकारो एय। काहाकाय देरमीपोणान
केरता मोन से बुरहो केराय जाथे, एने सुटकारान केरता मुया केरीन कबुल
केराय जाथे।



योहान 3:16,17 काहाकाय बोगवान दुनियाह ओहलो मोंग किऱ्यो काय तो तान एकुस मोंगाल्ला बेटाख आप दिनो, काहाकाय जो कुण ता पोर बुरहो केरी तो खेतेम नाय एय, पुण जेलेमक्यो जीवाय सापडावी। बोगवान तान बेटाख दुनिया माय ज्यानकेरता नाह मुकल्यो काय दुनियान नियाव केरी, पुण ज्यानकेरता काय दुनियाह तान उगे रेन सुटकारो जुडी।

1 योहान 5:11-13 एने ती गोवाय ज्यीच हे काय बोगवान आपुह जेलेमक्यी जीवाय आपेल हे, एने ज्यी जीवाय तान सोरा माय हे। जा फाय बिटोख हे, ता फाय जीवाय हे; एने जा फाय बोगवानान बिटोख नाह सुतो, ता फाय जीवाय बी नाह सोती। जेलेमक्यो जीवाय तुमरो हे एवी ज्यो तुमूह मालुम एय जायेल हे, केरीन बोगवानान बेटाख ने नावा पोर बुरहो मेलनारे तुमूह मी ज्यो लेखथु।



मत्ती 8-9; मरकुस 1-2, 4; लुका 4, 8; योहान 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Nahali Bible (nlx) © The Word for the World International
and Nahali Vishwaseen Mandli, Toranmal, Dhadgaon,
Nandurbar, Maharashtra 2025

<https://www.bible.com/en-GB/bible/2790/MAT.1.NII2025>

©2026 Bible for Children, Inc.

www.M1914.org

www.bibleforchildren.org

